

da "I QUIZ UNIVERSALI"
"Dove vado ad aggiornarmi?"

"INCONTRI AL CASALE"

Vulenn' fa' 'nu poco 'e aggiornamento,
pecchè me piace essere... "speciale",
chist'anno,è 'nu presentimento,
jamm' a senti' gli "Incontri... al Casale".

Vulessem' affronta' gli "idrogenioni",
e allora, ...amm' fatto già 'a pensata,
jamm' a segui' 'o Corso a Maddaloni,
addòce scappa pure 'na risata.

A nuje ce piace chell' atmosfera,
addò prevale sempe 'a colleganza
e puo' discutere,.... pure fino a sera,
senza tene' nisciuna sudditanza.

'Sta qualità sicuro tu l'appriezzi,
ma là se 'mpara n' ata cosa bona
che 'o Malato nun se cura a pezzi,
pecchè intera è nata 'sta persona, (1)

che tutta quanta add' esse' rispettata,
che ce vò sempe 'o senso d' a misura,
e l'equilibrio add' esse' conservato (2)
tra tutte 'e forze ch' esistono in natura;

ch' 'o Miedeco se stesse sempe accorto,
che 'a Professione oggiè in salita,
ma, certamente, nun ce scappa 'o muorto,
si Isso resta'nu "studente a vita". (3)

Te 'mpare, là, che i libri nun so' tutto,
chello che conta è pure l'esperienza,
e....., quann' cride ch' ha' capito tutto,
nun basta mai, si nun ce sta 'a coscienza;(4)

Si nun ce sta 'a fiducia int' 'o rapporto,
'a Medicina nun funziona mai,
'sta varca nun arriva mai in porto
e 'o Malato annaspa 'nmiezo 'e guai.

E quanto vale chella simpatia,
quann' 'o Malato te sente comm' amico,
ce serve, sì,a tecnologia
ma, spisso, è meglio... 'o Duttore antico.

Nun bastano 'e carezze, ce vò 'a Scienza,
pe' fa' sana',si 'a malattia è vera,
ma quanta ce ne vò, pure 'e pacienza,
pe' cura' l'anima, che, ...spisso,.. se dispera.

'O corpo umano nun è 'nu robot,
nun basta l'uoglio dint' agli ingranaggi,
è 'n' illusione,che vò 'e moda mò,
addò se campa c' analisi e cu 'e raggi.

Agli "Incontri" ce sta 'n' ata teoria,
se sforzano 'e cerca' d' 'a divulga',
mettennece 'nu poco 'e fantasia
comme se fadint' 'a pubblicità:

ce serve 'a Tac e pure 'a Risonanza,
ce vo' 'na prova che dà l'evidenza,
ma sempe....parlanno cu creanza
ce serve....nu Miedecoche pensa;(5)

che mette insieme ogni informazione,
che nun trascura manco 'nu sospetto
e nun se scorda mai... d'a lezione
che 'a diagnosi se fa ...affianco 'o lietto. (6)

Cecco Gambizzato

Bibliografia:

- (1) A. Murri, L. Condorelli, M. Coltorti, A. Miracco,
M. Torquati, S. Vulterini, S. Mansueto
- (2) C. Bernard
- (3) C. Frugoni, V. Cagli
- (4) G. Moscati, R. Pampuri
- (5) S. Vulterini
- (6) A. Murri, L. Condorelli, M. Coltorti, A. Miracco,
M. Torquati, S. Vulterini, S. Mansueto
A. Borghetti, G:G:Neri Sernerri, I.Portioli